

Akateateamamao mai no te Omicron

Te vai nei teta au apinga ka rauka ia koe e toou ngutuare tangata i te rave atu, e ake e topa mai te Omicron ki te atea.

Na roto i te kimikimi matatio'anga e te komakoma atu'anga tetai ki tetai e rauka ei te marama e te teateamamao i te katoatoa.

Me kitena ia mai te maki Covid-19 i runga ia koe, ka anoano'ia koe kia noo atu ki te ngutuare, akatakake katoa atu ia koe mei toou kopu tangata. Penei e ka tau kia akarakara atu koe i teia au apingai raro nei, ia koe e paranani nei i teia tuanga

- **Naai e kave atu i taau kai e tetai ua atu apinga ka anoano koe?**
- Akataka atu i tetai tangata taau i manako no te rave atu i teia tuanga. Akanoo katoa atu i te tangata tiaki ia koe me kore ra tetai ua atu i roto i te ngutuare ka anoano tiaki i to ratou oraanga. Akatanotano atu i te akateretere'anga akono tamariki me e turangata tetai mei teia i rotopu ia koe e te mama/papa o te tama.
- Ka akapeea koe i te rave atu anga i taau angaanga me kore apii mei te ngutuare atu. Akanoo atu i teia ma toou pu me kore ra apii.
- Akapapu atu e kia kite te tangata e, tei roto koe i te turanga akatakake'anga. Penei e tetai akairo ki mua i te ngutuare, tetai QR codes no te au tangata ka kave apinga atu naau.

- Ka akapeea me ka anoano'ia koe kia aere atu ki roto i te are maki. Akanoo atu i tetai akapapa'anga no te akonokono'anga e te raverave'anga i tetai au apinga o te ngutuare mei te akono'anga i te au manu, apinga tanutanu e te tutaki'anga i te au pira..

Penei e, e mea tau kia akateateamamao atu koe i tetai ko'u tauturu rapurapu no te ngutuare. I roto i reira, tauru atu ei koe i tetai au kai, vairakau e te au akapapa'anga o te au tangata i roto i te ngutuare, ta ratou tu vairakau, e kai ana, e te numero are maki o te au tangata i roto i te ngutuare. Ka tauturu teia kia kite te aronga angaanga o te marae ora e, koai to roto i te ngutuare. Penei e, e mea tau rai kia tauru ia atu te numrero o te taote, pera to te au tuanga tauturu rapurapu.

E akaari atu rai koe i taau parani ki te au tangata katoatoa i roto i te ngutuare, kia kite ratou e, eaa te ka rave me roko ia ake tetai tangata e maki, e ka anoano'ia kia akatakake atu.

No tatou katoatoa teia. Kia noo teateamamao, maru e te au, ma te akamaroiroi atu'anga tetai i tetai kia papa ua rai.